



IJWI RY'UBUHANUZI
ISHURI RYA BIBILIYA
MW IPOSTA

B.P. 1710

BUJUMBURA

BURUNDI

ICIGWA CA 14

IMANA IJANA ABANA BAYO MW IJURU

Umurongo wo kwibukwa : «...Ngiye kubategurira ahanyu. Kandi, ko ngiye kubategurira ahanyu, nzogaruka kubajana iwanje, ngw aho ndi namwe abe ari ho muba.» Yohana 14 : 2,3.

URWINJIZO

Aho Umwana w'Imana yaiza kw isi ubwa mbere, hafi y'imyaka 2000 ishize, Gaburiyeli umumarayika w'Imana, yabwiye Mariya, azoba nyina w'uyo mwana, ivy'ivuka ryiwe. « Umumarayika Gaburiyeli atumwa n'Imana mu gisagara c'i Galilaya citwa Nazareti, ku nkumi ikowe n'umugabo yitwa Yosefu wo mu nzu ya Dawidi, izina ry'ijo nkumi ni Mariya.... Umumarayika aramabwira, ati Nta co utinya, Mariya, kuk'ugiriwe ubuntu n'Imana. Umve, uzosama inda, uvyre umuhungu, kandi uz' umwite YESU. Azoba mukuru, azokwitwa Umwana w'Isumba vyose. » Luka 1 : 26, 32.

Imyaka myinshi imbere y'ico gihe, umuhanuzi Yesaya yari yarahanyue yuko Yesu azovyarwa n'umukobwa atararyamana n'umugabo. Umumarayika ni we yabwiye Yosefu ivyo kuvuka kwa Yesu. Yosefu yagomba kuba umugabo wa Mariya, aravuga, at « Azovyara umwana w'umuhungu, na we uz'umwite Yesu, kukw ari we azokiza abantu biwe ivyaha vyabo. » Mw iyandikwa ry'aya majambo, Matayo yaravuze, ati « Ivyo vyose vyabaye birtyo ngw ivyo Umwami Imana yavugiyе mu kanwa k'uvwxyzishwa na we (Yesaya 7 : 14) biboneka, ngo Raba, inkumi izotwara inda, ivyare umwana w'umuhungu, bazomwita Imanuweli ; risobanurwa ngw Imana iri kumwe natwe. » Matayo 1 : 21, 23.

Yesu canke Imanuweli yari Umwana w'Imana mu bantu, nico catumye kenshi yiyita « Umwana w'umuntu. » Yabaye mu bantu afise imigenzo myiza, naho yari ameze artyo, ntabwo abantu bamwakiriye nk'Umwana w'Imana, canke nk'Imana-Umwana ivyo vyari vyarahanywe ha igaye imyaka myinshi akavuka. « Yarakengerwa, agahurwa n'abantu ;» Yesaya 53 : 3. Amaze kugira imigenzo ibercye, abantu babi baramuguze. Incuti ziwe ziramuhamba, Ariko haheze imisi itatu, Imana Data wa twese iramuzura ava mu mva. Yesu yari yarabwiye abansi biwe ko ivyo bizoba. Yaravuze, ati « Nk'uko Yona yamaze

imisi itatu n'amajoro atatu mu nda y'urufi, niko n'Umwana w'umuntu azomara imisi itatu n'amajoro atatu i kuzimu. » Matayo 12 : 40.

Amaze kuzuka yamaranye n'incuti ziwe imisi mirongo ine hanyuma aja mw Ijuru kwa Se. Atarasubira mw ijuru yabivugiyen mw isengesho, ati « Data, abo wampaye ndagomba kw aho ndi na bo bahabana na nje. » Yohana 17 : 24. Iri sengesho n'iryo kwitabwaho.

Yesu atarasiga abigishwa yarababwiye, ati « I muhira kwa Data hari amazu menshi, iy'aba atariho, mba ndabibabwiye, kuko ngiye kubategurira ahanyu. Kandi ko ngiye kubategurira ahanyu, nzogaruka kubajana i wanje, ngw aho ndi namwe abe ariho muba. » Yohana 14 : 2, 3.

ABANDITSE BIBILIYA BIZERA KO YESU AZOGARUKA.

Hari ubuhanuzi bwinshi busobanura ivyo kuza kwa mbere kwa Yesu. Ubwo buhanuzi bugga ko azovyarwa n'umwige w'Umuyudakazi. (Yesaya 7 : 14), (Itanguriro 49 : 10) mu gisagara gito c'i Betelehemu. (Mika 5 : 2) Ubwo buhanuzi bugga ivy'azokora (Yesaya 61 : 2'3), no gukengerwa kwiwe, (Zaburi 16 : 10). Niko kandi hari ubuhanuzi bwinshi bugga ivyo kugaruka kwiwe. Kuza kwiwe kwa mbere niko kwemeza ko azogaruka. « Na Kristo nuko yamaze gutangwa rimwe, ngo yishirekw ivyaha vya benshi, azoboneka ubwa kabiri, atazanywe n'ivyaha, abonekere gukiza abamwitez. » Abaheburayo 9 : 28. Ni yaba atazogaruka, ukuza kwiwe kwa mbere kwaba kwa jaye imfabusa !

1. Ni nde yabanje guhanura ivy'ukugaruka kwa Yesu ?

« Kandi Henoki ni we yagira indwi uhoreye kuri Adamu, yavugishijwe n'imana ivy'abo, at'Eh'Uhoraho yazanye n'ama sinzi y'abera biwe. » Yuda 14.

« Ariko Umwana w'umuntu aho azozira afise ubwiza bwiwe ari kumwe n'abamarayika biwe bose, naho azovyagira kuntebe yiwe y'ubwiza. » Matayo 25 : 31.

2. Yobu yasobanuye ate ivyizigiro viwe vyo kugaruka kwa Yesu ?

« Ariko jewe ubwanje nzi yuk'Umucunguzi wanje ariho. kandi ko kw iberezo azohagarara kw isi : Kandi urukoba rwanje ni rwamara kabora, nzebona Imana mfise umubiri. » Yobu 19 : 25, 26.

3. Dawidi yavuze iki co kugaruka kwa Yesu ?

« Imana yacu izoza, kandi ntizocereza. » Zaburi 50 : 3.

4. Mbe Yesaya yizera ko Yesu azogaruka ?

« Eh'Uhoraho Imana azoza afise i ubushoboz, kandi ukuboko kwiwe kuzomutwarira : raba, azoza azanye impera, kandi nyishu yiwe iri imbere yiwe. » Yesaya 40 : 10.

UKO YESU AZOZA.

5. Yesu yatanze izihe mburo zerekeza ku bantu bigisha inkuru z'ibinyoma zo kuza kwiwe ?

« Ico gihe ni hagira umuntu ababwira, at'Ehe Kristo ari hano

canke, at'Ari hariya : ntamuze muvyemere. Kuko bazokwaduka abigira Kristo n'abigira abavugishwa n'imana, bagakora ibimenyetso bihambaye n'ibitangaza, kugira ngo bazimize n'abatoranijwe ni vyashoboka. Raba ndabibabwiye bitaraba. Nuko ni bababwira, bat'Eh'ari mu bugaragwa, ntamuze mujeyo ; canke, ngw Ari haruguru mu mpete, ntamuze muvyemere. » Matayo 24 : 23—26. Yesu ntazoza yinyegeje. We ubwiwe yivujiye, ati « Nk'uko umuravyo urabiriza i burasirazuba ukabonekera aho rirengera nik'ukuza kw'Umwana w'umuntu kuzomera. » Matayo 24 : 27. Mbe umuravyo ntubonwa n'umuntu wese? Ntiwhisha canke ng'uturuke ahantu hari umwiza gusa, ahubwo aboneka ahantu hose. « Eh'arazanana n'ibicu, kandi ijisho ryose rizomwibonera » Ivyahishuwe 1 : 7.

Matayo avuga kw'Umwana w'umuntu « aje mu bicu vyo kw'ijuru ari n'ububasha n'ubwiza bwinshi. » Matayo 24 : 30.

Ubwo Yesu yasubira mw'ijuru, benshi babonye agenda. Luka avuga kw'igicu camujanye kimuvanye muri bo, kandi ko abamarayika babiri bababonekeye bakababwira, bati : « Yemwe bagabo b'i Galilaya, n'iki gitumye muhagaze muraba mw'ijuru ? Uyo Yesu, abakuwemo, akaduzwa mw'ijuru, azoza artyo nk'uko mumubonye aja mw'ijuru. » Ivyakozwe n'Intumwa 1 : 11.

Yesu ni yagaruka azumvikana bitume aboneka. Ntazoza yihishije. « Kuk'Umwami wacu ubwiwe azoza, amanutse avu-ye mw'ijuru, aranguruye ijwi rirenga, hamwe n'akamo k'umumarayika mukuru, n'inzamba y'Imana. » I Ab'i Tesalonike 4 : 16.

6. Mbega bose niko bazoba barindiriye ukuza kwiwe ?

Oya. Abatazoba bamwiteguye azobaturumbukira nk'umusuma aza mw'ijoro. « Kuk'ubwanyu muzi neza yuk'umusi w'Umwami wacu uzoza nk'ukw igisuma kiza mw'ijoro. » I Ab'i Tesalonike 5 : 2. Abamwitezze ntawo azobaturumbukira nk'igisuma. « Arik'o mweho, bene Data, ntumuri mu mwiza, ng'ubo musi ububire nk'igisuma : kuko mwese mur'abana b'umuco n'abana b'umurango. Ntituri ab'ijoro cank'ab'umwiza. » I Ab'i Tesonike 5 : 4, 5.

7. Ubwo Yesu azogaruka abantu bazoba bakora iki ?

« No mu misi ya Loti vyabaye, oirtyo : bararya, baranywa baradandaza, baragura, baratera, barubaka ; maze umusi Lo yaviriye i Sodomu, umuriro n'amazuku biratibuka bivuye mw'ijuru, biraba honnya bose. Niko bizoba umusi Umwana w'umuntu azoserukirako. » Luka 17 : 28—30. S'ukuvuga yuko gukc ivyo ar'igicumuro, ahubwo vyerekana kw'igihe abantu bazoba bari mu vyo bamenyereye gukora ari ho Yesu azogaruka.

8. Mbega hariho umusi Yesu azogaruka ?

Nta wuzi umusi. « Arik'uwo musi cank'yo saha nta wubizi, n'iyetoba abamarayika bo mw'ijuru, cank'Umwana w'Imana, atari nta gusa. » Matayo 24 : 36.

9. Naho a. muntu azi umusi wo kugaruka kwiwe har'uwoshobera kumenya o ukugaruka kwiwe kuri hafi ?

Ego me, ar' hobora kubimanya. Yesu yavuse yuko igiti iyo gitoshe, tumeri : yukw ige c'impeshi kiri hafi, niko bimeze

ni twabona ibimenyetso vyo kuza kwiwe bishitse, tuzomenya k'ukuza kwiwe kwegereje. « Nuko namwe ni mwabona ivyo vyose bishitse muze mumenye kw ari hafi, ku rugi. » Matayo 24 : 33. None nk'iyo incuti yawe ihagaze ku rugi jhamara igihe kingana iki ngo yinjire mu nzu ? Abigishwa ba Yesu bamubajije ibimenyetso vy'ukuza kwiwe ivyari vyo. Yabishurishije ibimenyetso vyinshi nk'uko vyanditswe mu gitabo ca Matayo igice ca 24.

(a) « Muzokwumva intambara n'impuha z'intambara ;... Kukw ihanga rizotera irindi hanga, n'ubwami buzotera ubundi bwami. » (Umurongo wa 6, 7).

(b) « Amapfa no kunyiganyiga kw'isi bizobaho henshi. » (umurongo wa 7)

(c) « Maze kuk'ubugararji buzogwira, urukundo rwa benshi ruzotimba » (umurongo wa 12).

(d) « Kuko hazokwaduka abigira Kristo, n'abigira abavugishwa n'Imana. » (umurongo wa 24).

(e) « Izuba rizocura umwiza, n'ukwezi ntikuzoba kucaka umuco wakwo, n'innyenyeri zizokoragurika ziva mw ijuru. » (umurongo wa 29).

(f) « Kand'ubu butumwa bwiza bw'ubwami buzovugwa mw isi ngo bube ikimenyetso kibere icabona amahanga yose, maze umuhero uzoca uza. » (umurongo wa 14).

Nonehw itegereze ibi bimenyetso kimwe - kimwe : Umuntu yovuga, at « Intambara zamyeho na kera, none intambara zobasha zite kuba ikimenyetso cerekana ko Yesu agiye kugaruka ? Yohana yaranditse, atik Amahanga araraka (avuga igihe kizobanziriza ukuza kwa Yesu. » Ivyahishuwe 11 : 18. Ibi birerekana yuko amoko menshi aza kuja mu ntambara y'isi yose. Intambara y'isi yose yabayeho ryari ? Koko intambara y'isi yose yabayeho mu mwaka wa 1914, n'intambara ya kabiri yabayeho mu mwaka wa 1939.

Bakeka ko mu ntambara ya mbere hapfuye abasirikare bagera ku 10.000.000, n'abasirikare bagera ku 20.000.000 bapfuye mu ntambara ya kabiri. None har'intambara nk'iyo yigeze ibaho ? Oya.

INZARA : Mbega ivy'inzara vyo bite ? Iyo ntambara ya mbere iheze mu gihugu kimwe carimwo abantu 15.000.000, hapfuye abantu 3.000.000. Mu mwaka 1936 muri CHINE abantu 15.000.000 bikwega hasi mu mazu yabo bagapfa. Bamwe muri bo bagurisha abagore babo n'abaya babo ngo baronke ico barya. Mu nyuma y'intambara ya kabiri y'isi yose, igitigiri kinini c'abantu bishwe n'inzara, caruse abaguye mu ya mbere. Bavuze yuko mu ntambara imwe yo mu gihugu c'Abahindi, abantu ibihumbi 10 bapfa uk'umushamvu utashe bishwe n'inzara n'indwara

INDWARA : Mbe hari indwara ziriho ? Nyinshi cane. Mu mwaka wa 1918, ukurikije igitigiri catanzwe abantu 18.000.009, bishwe n'indwara yitwa «Grippe ». Muri Afrika y'ubuseruko ntibagize ivyo vyago. Abaraho baribuka igitigiri c'abantu bapfuye, nukw abantu batashoboye kubuza iyo ndwara kugwira. Abantu bibuka yuko muri ico gihe akaranda kateye mu bwoko bw'A-bakikuyu. Uko iyo ndwara yinjiye muri Afrika yo mu buseruko niko yageze mu zindi mpande so mw isi.

NYAMUGIGIMA : Mbe hari vyinyamugigima vyabayeho ? Ego. Inkuru zivuga yuko mw ijana rya mbere inyuma ya Kristo habayeho vyinyamugigima vyonona ibantu.

Mbe hari vyinyamugigima bingahe mu kijana gisheruka ? Vyari ibihumbi bibiri n'ijana na cumi n'icenda. (2119), mu bihe bisaga 141. None se uko kwiwyongera cane birenze urugero ntivyotubera ikimenyetso c'imisi y'umuhero. ?

UBUGARARIJI : Mbega mu'iyi si harimwo ubugarariji? Ego. Yesu yaravuze, at' « Uko vyari mu misi ya Nowa, niko b'izoba mu kuza kw'Umwana w'umuntu. » Matayo 24 : 37. Dusoma mw Itanguriro yuko mu misi ya Nowa Imana yaranduje si isegenya, « isi iratikira. » Mu 2 Timoteyo 3 : 1—5, handiwemw'ibicumuro 19 vyerekana ibimenyetso vy'imisi y'umuhero. J'muntu akwiye kuza kuraba ahamukikije gusa, canke agasoma jinyamakuru kugira ngw arabe ukuntu ubugarariji burushaho wiyongera, ndetse mu buryo buteye uwoba.

Umwanditsi umwe yanditse ivyo mur'iki gihe, ati « Kubura gaciro kw'umuntu no kubura imigenzo myiza biriyongera tu buryo bunini kuruta iyi si yose. » Gukina ku bugingo vyeskana ko ari ivyo umuntu yiyumvira. Aho Paulo yandika ibicumuro uko ari cumi n'icenda, mu kuri yari yabibonye mu ndoto ahawé n'Imana.

ABIGIRA KRISTO ATARI BO : Rimwe na rimwe hari abaduka bakiyita Kristo. Mur'uwy mwaka hariho Ikinyamakuru co muri Amerika cavuze amajambo menshi ku muntu yiyita Kristo. Mu vy'ukuri ntafise ukubaho nka Yesu ariko benshi bapfa kumukurikira kuko batazi Ivyanditswe Vyera.

IZUBA RIZOCURA UMWIZA : Mbe har'aho izuba ryigeze kuzima? Mbe har'aho ukwezi kwananiwe kubonesha ? Mbe har'igihe inyenyeri zigeze kugwa ?

Ego me. Umusi wa 19 Rusama 1780 abantu bo mur'Amerika bazi ko ar'umusi w'ubwirakabiri. Bacanye amatara, inyonja mu vyari vyazo, inka ziracurwa, ibikere biraboroga, udungarema turaguruka nk'uko duhora tugira mw ijoro. Amale arugarwa, abana barataha batewe n'ubwoba. Ku musi akurikiyeho, bugingo ukwezi kwari kugeze kwaka cane, habaye mwiza w'akataraboneka. Nta washira urupapuro rwera heru y'impuzu yirabura ngo ruboneke. Vyasa n'ahw inyenyeri se n'ukwezi vyimuwe bigakurwa mw ijuru, ari ryo joro ry'umwizitanya.

Mw ijoro ry'uwa 13 Munyonyo 1833, inyenyeri zaguye ziva u kirere. Abazibonye zigwa bemeje ko zagwa nk'uko vyahawe mu Vyahishuwe 6 : 13. « Inyenyeri zo kw ijuru zikorokera isi, nk'uko umusukoni uzungagizwa n'igihuhuta ugahungura insukoni zawo zitararunguriza. »

Ibindi bimentyetso vy'imisi y'umuhero vyavuzwe na Petero. avuze yuko hazobaho abacokoranyi bamenyesha neza ibimentyetso vyo kugaruka kwa Yesu. « Irya mbere mukwiye kumenya nuko mu misi y'iherezo hazoza abacokoranyi bacokona, bakurikiza ukwifusa kwabo, babaza, bat'Isezerano vy'ukukiwe riri hehe se? Kuk'uhereye aho basogokuruza basinziye, vyose bihora uko vyamye, uhoreye ku kuremwa kw'isi. » Petero 3 : 3, 4.

Abo bantu bacokorana, ntibamenya ubwabo ko ar'ikimentyetso misi y'umuhero, ntibababaye kumenya uk'ubwo bucokoranyi ngana, ico tuzi nukw ivyo bimentyetso vyavuzwe ngaha n'ivayzwe ahandi bitwerekwa ko ukuzi kwa Yesu kuri hafi.

Ikimentyetso giheruka canditswe ymuri Matayo 24 : 14. Kandi ubu butumwa bwiza bw'ubwami buzovugwa mw isi se, ngo bube ikimentyetso kibere icabona amahanga yose. iz'umuhero uzoca uza. »

Mu myaka 150 ishize, ubutumwa bwigishijwe mw isi yose u buryo umuntu atoshobora kwiyumvira. Bwageze mu bihugu najana menshi. Nukuri umuhero uri hafi.

ABAGOROROTSI N'ABANYAVYAHÀ YESU AGARUTSE.

10. Mbe bizogenda gute ku bagororotsi Yesu ni yagaruka ?

Nyabuna soma iyi mirongo ikurikira witonze : « Kuk'Umwami wacu ubwiwe azoza, amanutse avuye mw ijuru, aranguruye ijwi rirenga, hamwe n'akamo k'umumarayika mukuru, n'inzamba y'Imana. Maze abapfiriye muri Kristo nibo bazobanza kuzuka ; natwe abazoba bakirih, dusigaye, tuzoca duteruranwa na bo mu bicu, dusangirire Umwami mu kirere. Niho tuzokwama tubana n'Umwami. Nuko mwiruranishe ayo majambo. » 1 Ab'i Tesalonike 4 : 16, 17. Tito avuga atomoye ko kugaruka kwa Yesu ar'ivyizigiro vy'abahirwe. » Tito 2 : 13.

11. Bizogenda gute ku banyabibi Yesu ni yagaruka ?

« Niho wa mugarariji azohishurirwa, umwe Umwami Yesu azokwicisha impwemu ziva mu kanwa kiwe, azomititza aguseruka kw'ukuza kwiwe. » 2 Ab'i Tesalonika 2 : 8.

Abapfuye bazoba bari mu mva zabo bazozigumamwo mur'ijo myaka igihumbi abagorotsi bazoba bari kumwe n'Imana mw ijuru. Nabo bazozuka babane na Kristo imyaka igihumbi. Abapfuye (abanyavyaha) ntibazozuka iyo myaka igihumbi itarashira. Ivyahishuwe 20 : 4, 5.

Kw'abanyabibi bazoranduka Yesu agarutse, n'abapfuye bakaguma mu mva zabo kugeza aho iyo myaka igihumbi izoshirira, n'ukuvuga yuko ico gihe ata muntu azoba ari kw isi kiretsé Satani n'abamarayika biwe. Yohana asobanura ko bazoba baboshwe kuko bazoba bari bonyene. Umurongo wa 7 uvuga ko « iyo myaka igihumbi ni yashira, Satani azorekurwa ngw ave mw ibohero. »

Uwo murwa wera, Yerusalem musha, wururuka uva mw ijuru ku Mana, uzananye n'aberanda bose.

Umurongo wa 9, Maze Satani n'abanyabibi bazutse bazogezageza kurandura umurwa n'abera. Maze umuriro umanuke uvuya mw ijuru ku Mana ubarigate. Iryo niryo herezo ry'ivyaha. N'abanyavyaha « Baraduga (Satani n'abamarayika biwe) bakwira isi yose, bakikiza ah'ingabo z'abera zishagaje, na c'gisagara gikundwa. Umuriro uratibuka uvuya mw ijuru, urabari gata, kandi Umurwanizi yabazimiza atererwa muri ca kiyaga caka umuriro n'amazuku, kirimwo na ca gikoko na wa mugishwa w'ibinyoma, bazobabazwa ku murango no mw ijoro ibihe bitazoshira. » Ivyahishuwe 20 : 9, 10.

Inyuma y'uko kurandura ari ko kuzeza isi, abcza bazoba mur'ijo si imyaka yose. « Mbona ijuru risha n'isi nsha ;... Mbona umurwa wera, Yerusalem musha, wururuka uva mw ijuru. ku Mana, witeguwe nk'uk'umugeni asharizwu umugabo wiwe Numva ijwi rirenga rivuye kuri ya ntebe, rit'Eh'ihema ry'Imana riri kumwe n'abantu, kandi izogerera muri bo, na bo bazoba abantu bayo, kandi Imana ubwayo izobana na bo, izoba Imana yabo. Izohanagura amosozi yose ku maso yabo, kandi urupfu ntiruzoba rukirih, kandi amaborogo no gutaka n'uburibwe ntibizoba bikirih. » Ivyahishuwe 20 : 1—4.

None ga wa musomyi, ibi s'ivyizigiro vy'umugisha ? Mbe uzoba uri mu bana b'Imana batayumvira, ba bandi ba otakira imisozi n'ibitare, Yesu aje, batì « Nimutugweko, buduhishe inyonga z'Ivyagiye kur'irya ntebe n'uburake bw Umwagazi w'Intama ; kuk'umusi uhambaye w'uburake wabo ushitse, kang'i ni nde ashobora guhagarara ? Ivyahishuwe 16, 17. Canke uzoba umwe wo mu bana b'Imana bw umvira, bazobona Yesu aserutse, bakaraba mw ijuru bakaruga, ba Ehiyi ni yo Mana yacu ; ni yo twari turorereye, tunezererwe a kiza kiwe. » Yesaya 25 : 9. Igire inama. Mbe bizokugende ra bite ?

ITEGEREZE NEZA : Ukoresho Bibiliya hamwe s'icigwa. Ikibazo cose gifise INYISHU IMWE GUSA. Wandike X mu kazu k'inyishu y'ukuri. Nthagire ikintu wandika mu tundi tuzu tubiri dusigaye. Raba akarorero ku kibazo ca 1 c'icigwa ca 1.

IBIBAZO VY'ICIGWA CA 14.

1. Ukugaruka kwa Yesu.

- A. Umuntu yahanuye ko Yesu azogaruka ni Henoki agira indwi kuri Adamu.
- B. Umuntu yahanuye ko Yesu azogaruka ni Elisa.
- C. Umuntu yahanuye ko Yesu azogaruka ni Hagayi.

2. Ingene Yesu azogaruka.

- A. Yesu azozanana n'ibicu.
- B. Yesu azoza mu mpisho.
- C. Yesu azozanana n'abamarayika cumi gusa.

3. Igihe abagororotsi bazomara mw ijuru.

- A. Abagororotsi bazomara imyaka 500 mw ijuru.
- B. Abagororotsi bazomara imyaka 1000 mw ijuru.
- C. Abagororotsi bazomara imyaka 300 mw ijuru.


4. Satani n'abanyavyaha bazorimbuzwa iki ?

- A. Satani n'abanyavyaha bazoranduzwa umuriro.
- B. Satani n'abanyavyaha bazoranduzwa umuyaga.
- C. Satani n'abanyavyaha bazoranduzwa inkota.


5. Abana b'Imana bazoba hehe ibihe tidashira ?

- A. Abana b'Imana bazoba mw ijuru ibihe bidashira.
- B. Abana b'Imana bazoba mw isi nsha ibihe bidashira.
- C. Abana b'Imana bazoba i Galilaya ibihe bidashira.

**IJWI RY'UBUHANUZI
ISHURI RYA BIBILIYA MW IPOSTA
B.P. 1710 , Bujumbura
Burundi.**



Izina _____



Ah'uba _____